



Chamonnas - armonisaziun fits annuals

Cul fat cha la revisiun da la ledscha da chamonnas prevezza da surtour eir ils cuosts da mantegniment da la sostanza fundamentala es il böt, cha sur üna tscherta perioda da calculaziun sun ils cuosts da mantegniment e d'investiziuns illas chamonnas cumünalas almain cuvernats tras las entradas dal fits annuals da las fittanzas. Cun quista sistematica nun es il pajader d'impostas inchargià cun cuosts chi resultan da las chamonnas cumünalas. La suprastanza cumünala ha approvà ils novs fits annuals da las chamonnas.

Sosa Gera SA, Zernez - dumonda per prodüer beton d'urant la not e las fin d'eivnas

In connex culla fabrica dal tunnel Brail II da la Viafier Retica ed il tunnel Munt la Schera es la Sosa Gera SA in oblig da garantir la furniziun da beton e gera. La suprastanza cumünala ha concess ün permiss excepziunal per prodüer e chargiar intuorn beton d'urant la not e las fin d'eivnas dals 21 mai fin ils 30 november 2023.

Agregat per splanar vias - surdatta da furniziun

Per optimar l'efficienza e spargnar cuosts pel mantegniment da vias forestalas e champestras es gnü deliberà ün credit per ün agregat per splanar material. Cun quist indriz esa pussibel da refar fouras sveltes e simpel. La furniziun dal indriz es gnüda surdatta a la firma Kohler Landmaschinen AG, Zernez.

Planisaziun directiva, chantunala - part energia - consultaziun

Il Chantun GR ha miss in consultaziun il plan directiv, part energia fin la fin da gün 2023. Quist plan es fich important pel Cumün da Zernez ed eir per la regiun. I's tratta dals adövers futurs da las auas. Implü dess gnir descritta la tematica da la producziun d'energia cun vent. La part fotovoltaica nu fa part a quista planisaziun. In üna gruppa da lavur voul tour quist sböz dal plan directiv ün pa plü precis suot ils ögls. Per pudair proseguir faja dabsögn d'üna valütaziun da basa da las auas / auas sül territori cumünal. La lavur es gnüda surdatta a la ditta Hydro-Solar Water Engineering AG.

Zernez Energia 2020 – dumonda da sustegn

Duos ulteriuras dumondas da sustegn per sanaziuns energeticas d'abitaculs illa fracziun da Zernez our dal fondo Zernez Energia 2020 sun gnüdas approvadas.

Il Cumün da Zernez ha acconsenti ils duos seguaints permiss d'ustaria e d'allogi:

Pizzeria Mirta, Zernez - Ramadan Ziberi a partir dals 1. mai 2023

Restorant Center da Sport, Zernez - Alberto Tasca a partir dals 1. gün 2023

Il Cumün da Zernez ha acconsenti ils seguaints permiss da fabrica:

Parcella no. 0055, Grass Uolf Duri e Rico Corsin, Zernez – sanaziun fatschada e fanestras

Parcella no. 0284, Städler Duosch, Zernez – platta da beton per deponar grascha

Parcella no. 0961, Tappeiner Men, Zernez – indriz fotovoltaic sün tet da la garascha e balcuns

Parcella no. 1206, Sprecher Martin e Jolanda, Zernez – suosta

Parcella no. 1221, von Flüe Karsten e Sara, Zernez – saiv da lain

Parcella no. 1303, Denoth Marino e Flavia, Zernez – nouva s-chala da la lobia aint il üert

Parcella no. 2148, Bickel Seraina e Hintermann Markus, Susch – sbodar edifizis no. 95, 95-A, 95-B, 96 ed eriger duos chasas da plüssas famiglias

Parcella no. 3017, Brunner Lukas ed Eva, Lavin – eriger duos novs studios

Parcella no. 3216, Saluz Peider Andri, Lavin – nouva stalla da bescha e chucals, adattamaint da l'entrada da chasa

Parcella no. 3433, Ida e Silvia Nolfi, Lavin – pompa da chalur cun sondas

Suprastanza cumünala in fracziuns

In mardi, ils 20 gün 2023 vain organisà il seguond inscunter da la suprastanza cumünala cun la populaziun cul nom «suprastanza cumünala in fracziun». L'inscunter ha lö a partir da las 20:00h illa chasa da scola a Susch. La suprastanza cumünala infuorma a moda libra tanter oter sur da divers progets illa fracziun da Susch ed in tuot il cumün e sta a disposiziun per dumondas e discussiuns da las votantas e votants dal Cumün da Zernez.